



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 46. Genevensis Sectæ Præcones in Americam transmissi.

[urn:nbn:de:hbz:466:1-66565](#)

Sœcul. XVI. Portu Gratiæ progressus est. Attamen
A.C. 1555. tempestate suborta in Dieppæ portum
 rejectus, expositisque ibidem suorum
 nonnullis, qui mare pertæsi navigandi
 finem fecere, cum ceteris die decima
 quarta Augusti denuo vela fecit, ac su-
 peratis inter utramque Britanniam fau-
 cibus vigesimo post die in conspectum
 Tenerifæ venit, indeque Æthiopicum
 Promotorium die octava Septembris e-
 mensus Guineæ litus legit.

§. XLVI.

*Genevensis sectæ Praecones in Ame-
 ricam transmissi.*

Thu. l. 16. **T**andem exeunte Mense Novembri
Debry hist. Anno Domini millesimo quingente-
Americ. p. 3. simo quinquagesimo quinto ad Brasiliæ
Lescarb hist. oram Genabrum fluvium, qui vulgo Ja-
nova Franc. nuarius a Lusitanis dicitur, viginti tri-
l. 2. bus gradibus ultra æquinoctialem li-
 neam situm ingressi sunt, longiusque
 progressi pervenerunt ad quamdam exi-
 guam insulam antea desertam, quæ sua
 longitudine circiter mille passus, ac sex
 eorum millia in amplitudine numera-

Belcar. l. 28. bat. Ibidem Villagagnonus tuguria ve-
n. 9. lut totidem speculas, atque in medio
 propugnaculum erigi jussit, quod ab
 Architalassi nomine *Colinium* appella-
 vit: mox vero ad eundem *Colinium*
scribens, petiit, ut Geneveses Theolo-
 gos

Sæc. XVI.
A.C. 1555.

gos protinus submitteret: Itaque Colinius parta nominis sui gloria inflatus, necnon divitiis, quas primæ duæ trimes ex hac regione reportaverant, captus confestim tres alias naves majori adhuc Calvinistarum numero, ac præcipue duobus Genevensibus Præconibus a Calvino accersitis onustas ad Villagagnonium transmisit. Seligebantur autem ex Genevensibus Theologis Petrus Richerius plusquam quinquagenarius, & Guilielmus Chartierus, seu Quadrigarius cognomine, quibus Calvinus prædicandi potestatem, qua tamen ipsemet carebat, concessit. Hos plures adhuc alii comitabantur, atque inter ceteros præprimis Joannes Lérius Burgundus: omnibus vero ducem se præbuit Philippus Corquillerius Pontius, qui se ob Religionis caussam Genesiam contulerat, erat que homo Colinio notus, ob idque a Colinio ipso, ut hanc provinciam, quæ ad Dei gloriam, ut ipse ajebat, pertineret, suscipere non gravaretur, per literas sollicitatus.

Postquam hi Castellionem, quod oppidum est ad Ligerim in Francia situm, ad Colinum venerant, acceptis ab eo literis Honflorium profecti sunt, ubi a Bosio Villagagnonio in eam rem ab avunculo misso, humaniter excepti cum tribus navigiis egregie instructis decima

Hist. Eccles. Tom. XLII. T No-

Sæcul. XVI. Novembris solverunt, & eadem, qua
A.C. 1555. Villagagnonius, via quarta die Martii ad
 promontorium, quod *Frigidum* appellant, venerunt, ac triduo post finum
 Januarium ingressi Colinianum munimentum incolumes petiere.

§. XLVII.

Dissidia ibidem inter Calvini Sedatores exorta.

**Spond. hoc
ann. n. 17.**

Vix una omnes advenerant, cum illico cujusdam Ecclesiæ forma ritu Genevæ recepto institueretur, atque etiam celebraretur cœna, cui ipse Villagagnonius die vigesima prima Martii interfuit: Attamen cum Catholici sese sacrilegæ huic novitati opponerent, atque inter ipsos etiam Calvinistas hac super re dissensio exorta esset, cuncta eorum consilia fuere eversa. Ceterum primam dissidiorum anam præbebat quæstio circa Azymum, & fermentatum panem; jam enim propterea, ut memoravimus, circa hunc articulum Genevæ ab initio tam acris fuscitatur altercatio, ut ipsem Calvinus cum suis affeclis urbe ejiceretur. Alteri vero contentionis capiti, quod longe maiorem adhuc impietatem sapiebat, anam dedit explicatio illorum S. Joannis c. 6. verborum: *caro non prodest quicquam, Spiritus autem vivificat*, Richerius enim

Mini-